

DISSERTATIO INAUGURALIS MEDICO · FORENSIS

QVA

VALOR ET SUFFICIENTIA

SIGNORVM

INFANTEM RECENS NATVM

VIVVM AUT MORTVVM EDITVM

ARGVENTIVM

AD DIIVDICANDVM INFANTICIDIVM

EXAMINATVR

P R A E S I D E

ABRAHAMO VATERO

PHIL. ET MED. DOCT. ANAT. ET BOTAN. PROF. PVBL.

ORDIN. AC SOCIETATI IMPER. NATVR. CVRIOS

ET REGIAR. LONDIN. ET BEROLIN. SOCIO.

PROMOTORE SVO MAXIME COLENDO

SPECIMINIS INAUGURALIS LOCO

PRO LICENTIA

SVM MOS IN ARTE SALVTARI HONORES AC

PRIVILEGIA DOCTORIS

OBTINENDI

D. XIX. APRIL. M D CC XXXV.

H. L. Q. C.

PLACIDAE DISSENTIENTIVM DISQVISITIONI EXPOSITA

A

IOHANNE AVGVSTO SÜSSEMILCH

COSVIG. ANHALT. MEDICINAE CANDIDATO.

VITENBERGAE, IN OFFICINA SCHLOMACHIANA.

DEO
PARENTI
PRAECEPTORIBVS
FAVTORIBVS
ATQVE
AMICIS.



Q. D. B. V.

PROOEMIUM.



Vplex Medici officium, Clinicum atque Forense, quam arduum sit & intricatum, quantas involvat curas ac sollicitudines, quantaque opus sit circumspectione, si quis utroque ita perfungi velit, ne famae atque existima-

stimationis suae jacturam patiatur, illi intelligent, qui rem, ut par est, penitus considerare volunt. De priori, nimirum Clinico, nobis in praesenti res non erit, cum inter omnes constet, effectus secundos naturae, adversos vero Medico communiter adscribi, atque imperitum vulgum, & qui eodem non sunt peritiores, haud raro Empiricum ignarum ac in arte curandi talpa coeciolem, ob unam vel alteram curam, casu potius, quam consilio, feliciter evenientem, Medico rationali praeferre. Quod vero ad posterius, scilicet Forense attinet, ubi Medicus in casibus intricatis & ancipitibus, in foro occurrentibus, judicium ferre tenetur, cum horum sit insignis diversitas, atque circumstantiarum concurrentium immensa varietas, animus Medici saepius pendet, quale judicium ferat, ut evitet, quo minus ignorantiae, negligentiae, aut erroris jure insimulari queat. Negotium in se anceps atque ambiguum, difficilius redditur, dissensu Medicorum in diversas partes abeuntium, de quo ipsi Jcti conqueruntur. Audiamus hac de re celeberrimum olim hujus atque Halensis Academiae Jctum *B. Stryckium*. in Programme M D C X C I. edito differentem: *Postquam*

in sectas abire Medici, & novis novorum ingeniorum experimentis, veterum placita erroris accusare coeperunt, eo deventum est hodie, ut non pauci homicidarum, solis Medicorum subtilitatibus, ab optime merito liberentur supplicio. Vix enim vulnus quoddam, si unum alterumve excipias, proferri poterit, quod absolute mortiferum esse, universa Medicorum schola asserat. Licet Medicis recentioris aevi jure vitio verti non possit, quod abjecto autoritatis praejudicio, in rebus, quae a veteribus minus accurate examinatae fuerunt, per experimenta meliora edocti, ab eorum doctrina discedant, ac in causis praepressis sanguinem humanum concernentibus, omni utantur circumspectione, dissimulari tamen non potest, multos longius, ac par est, in eo procedere. Fatentur hoc ipsi Medici celebriores, quos inter B. Bobnius de Renunc. vulner. C. II. p. 21. Notio lethalitatis non eo usque se restringi patitur, ut de nulla plaga ejusdem membri & conditionis, ex qua unum alterumve aliquando eluctatum, sed omnes interisse novimus, predicari queat, quin potius ab eo, quod ut plurimum contingit, & contingere experimur, ceteris paribus argumentari conveniat. Neque enim unum alterumve rarissime contingentium

exemplum, quo hunc aut illum, ex tali vel tali vulnere aliquando convaluisse observamus, aut ab aliis observatum legimus, sufficit, quo minus, quæ sæpiissime seu ut plurimum lethales deprehenduntur, plagas in his, qui hinc moriuntur, per se tales appellemus, quatenus profecto res difficillima est de binis duorum subjectorum, quorum unum evasit, alterum occubuit, vulneribus asserere, ambo hæc sibi omnimode, & per cunctas circumstantias similes, seu specie eadem extitisse, & per consequens ejusdem eventus eadem pronunciare. Legi merentur, quæ hi duumviri laudati locis citatis hac de materia fusius disseruerunt. Haud raro enim singularibus exemplis abutuntur defensores non tantum, sed ipsi quoque Medici, eoque efficiunt, ut rei absolvantur. Quemadmodum cum vulnerum lethalitate, ita cum infanticidio se res habet, ubi signa, infantem vivum editum esse, docentia, incertitudinis & fallaciæ postulatur, atque propterea multæ infanticidæ promeritam poenam aufugiunt. Negari equidem non potest, pleraque horum signorum, ne dicam omnia, ita esse comparata, ut in se ac separatim considerata, quandoque fallere queant, conjunctim tamen sumpta, & cum aliis circumstantiis collata,

fatis

fatis certa sunt. Dignum hoc judicavimus argumentum, in præsentî dissertatione, speciminis inauguralis loco proponenda, inquirere, quid quantumque dicta signa valeant, ad evincendum, infantem recens natum vivum esse editum, ac in & post partum vixisse, ut tanto certius de infanticidio perpetrato constet. Excitarunt nos ad hoc institutum, casus quidam singulares, in foro nobis obvenientes, è quibus clarum evadet, sæpius cautelas, in judicio de infanticidio formando, necessarias negligi, male applicari, ac hoc pacto haud paucas infanticidas a supplicio liberari.

Thesis I.

Si ullus in foro existit casus, qui medicis difficultatem creat, ille certe est, quando ab ipsis ^{judicium de infanticidio difficillimum est.} judicium postulatur, de infante recens nato, mortuo reperto, utrum iste vivus, an vero mortuus in lucem prodierit, ac si illud, an culpa matris aut alias ob circumstantias idem interierit? Quæstionem hanc, num vivus an mortuus extiterit natus?

tus? inter medico legales olim non relatam fuisse, testatur *Bobnius l. c. Append. diff. de infanticid.* nec unquam, adactos inquit, à Præ tore fuisse Medicos, ut ex cadaveris inspectione, & per hanc observatis, id est, per Argumenta Anatomico - Physica enunciarent, sed negotium per indicia tantum mere legalia, plus minus specialia seu propinqua decisum esse, & mulierem, quæ infantem mortuum se peperisse affirmavit, hoc aut sufficienter probare debuisse, aut si hoc non potuit, in assertionem suam nihilominus pertinacius perseverantem, ad veritatis confessionem cogendam, torturæ subjectam esse, gravatam inprimis per hoc, quod graviditatem occultavit & clam peperit. Hodie tamen negotium, ut par est, absque medicis non absolvitur, quia plurimum in nato phenomenon & circumstantiarum habenda est ratio, quorum examine præmissis, demum judicium ferri debet & potest.

Thesis II.

*Cautelar in
eo observan-
dae.*

Magna hic opus est cautione ac circumspectione,

one, ne Medicus præpostero suo iudicio efficiat, ut reæ absolvantur, aut innocentes supplicio, vel saltem tormentis tradantur. Omnes propterea circumstantias in inspectione corpusculi infantis occurrentes, observare, prudenter ponderare, sollicitè inter se conferre, ac ex omnibus conjunctim consideratis, demum iudicium dicere convenit. Quemadmodum enim ex eo, quia partus vivus est editus, nullatenus inferre licet, eundem necessario à matre fuisse interemtum, aut ejus culpa interiisse, quoniam alias etiam ob causas post partum idem exspirare potest: ita etiam exinde, quando ex signis certis constat, eundem non vivum, sed mortuum, prodiisse, concludere non possumus, matrem penitus insontem, ac ab omni culpa liberam esse. Potuit enim infanti tenello, in utero adhuc degenti, aut in ipso egressu in partus viis hærenti, injuria inferri.

Thesis III.

Hoc non obstante, præcipuum tamen in iudicio de infanticidio ferendo momentum in

B

*Informando
de infanticidio
iudicio
certi esse debemus
vivus
ne an mortuus sit natus
eo?*

eo consistit, ut per certa & indubitata signa constet, utrum vivus an mortuus infans sit partu naturali editus? Nullatenus enim hic valet, quod *Thessaurus in decis. 13. citante clariss. Alberti Jurisprud. Medic. C. IX.* dicit, quod partus meretricius præsumi debeat, quod sit mortuus editus, sed potius omnes circumstantiæ partum antecedentes concomitantes & consequentes, quantum fieri potest, indagandæ & rite pensitandæ sunt, antequam aliquid certi de vita aut morte recens nati pronunciemus. Propterea etiam non negligenda sunt, quæ durante ingravidatione utero gerenti acciderunt, ut tanto firmitus judicare queamus. Plures tales cautelas ac quæstiones præliminares inquirendas proponit laudatus *Alberti l. c. §. II. & III.* Exempli gratia, an foemina suspecta animo & corpore valde sit debilis? an morbus, aut gravia animi pathemata præcesserint? an violentias inopinatas in abdomine & utero perpessa sit? an medicamentis suspectis usa sit? & quæ sunt plures, quas ibidem legere licet.

Thesis IV.

Hs præmissis bene observatis, reliqua ex inspectione ipsius cadaveris, aut corporis delicti, Signa utrius aut mortui nati petenda petuntur, cujus externus habitus ratione magnitudinis, firmitatis, coloris, conformationis, aliarumque circumstantiarum, ad iudicium formandum, 1) ex habitu corporis infantis externo. considerari debet. Quemadmodum enim magnitudo ejus debita ac perfectio, quoad omnia organa externa, ejus maturitatem testatur, ita si corpus simul firmum atque robustum, & succi plenum observatur, eum in utero ad partum usque bene nutritum fuisse, ac valuisse indicat, cum contra teneritas atque flaccities corporis, abortum, aut saltem statum morbosum in utero antecessisse, innuat. Si hoc, multum ad defensionem atque absolutionem inquisitæ facit, istud vero in se signum valde probabile, cum aliis autem conjunctum, sat certum constituit, infantem vi periisse, adeoque illam multum gravat. Funiculus pariter umbilicalis solidus, firmus atque succis turgidus,

ac hæmorrhagia per illum facta, sat certum de vita infantis testimonium exhibet, collapsus autem, flaccidus aut plane corruptus, nisi ob moram inter partum & inspectionem talis evadat, languorem ejus aut mortem in utero demonstrat. Nec color corporisculi est negligendus, quoniam lividus, variegatus, variisque sugillationibus præditus, item tumores colli, artuumque dislocationes, aut distorsiones vim illatam arguunt, nisi partus admodum difficilis, ac duriores in eo labores in culpa fuerunt, quod ex circumstantiis judicandum, & caute hac de re pronunciandum est. Adstirimus nos ipsi partui foeminæ honestæ laboriosissimo, & vidimus infantem prave situm, abdomine & umbilico ad exitum tendentem, excreto in utero meconio, a convulsionibus lethalibus, mortuum tandem prodire, qui in vertice tumorem lividum & sugillatum, pugni magnitudine monstrabat, quem concussioni abdominis in lapsu matris, paucis diebus partum præcedente, adscribebant. Quis igitur ex solis sugillationibus aut tumoribus apparentibus, violentiam adhibitam esse pronunciare veller? Non tamen temere credendum inquisitis, culpam in partum difficilem conjicientibus, quia experientia docet,

docet, meretrices tales, absque manibus auxiliatricibus clam parientes, facilius communiter partum eniti, quia a nemine ad partus labores suscipiendos præmature urgentur, quæ causa esse solet plurimorum partuum infelcium, sed dolores leviores & vagos tantisper mullitando, debitum tempus, expectant.

Thesis V.

Ad sectionem infantis deinceps accedendo, non sufficit, cadaver infantile obiter & quasi pertransennam aspexisse, sed accurata omnium ejus partium, ac internorum præprimis viscerum inspectione & perlustratione opus est. Quando enim viscera in cavitatibus contenta, colore naturali prædita, ac succi plena & turgida apparent, foetus in utero nutrimento sufficiente non fuisse frustratos, innuit, ac sanos fuisse docet. Sed quando flaccida, exuccaprehenduntur, eosdem languidos atque morbosos fuisse indicat, atque adeo in utero interiisse, probabiliter monstrat. Inprimis

B 3

advers-

advertendum est, utrum vasa sanguine turgida, an vero exanguia sint, quia si hoc, hæmorrhagiam per umbilicum factam non tantum confirmant, sed etiam certius indicium præbent, infantem vivum editum fuisse, cum a tali in utero mortuo nulla effusio sanguinis expectari possit. Non enim sola intermissa deligatio funiculi umbilicalis resecti vel violenter abrupti hæmorrhagiam lethalem, in infante factam certo demonstrat, nisi simul consentiat pallor viscerum, inprimis hepatis, ac defectus Sanguinis a medico deponente simul annotatus, quod tamen a multis neglectum iri, aliquot casibus Facultati nostræ ad decidendum propositis, si opus foret, demonstrare possemus. Quippe si funiculus instrumento hebere resecatur, aut violenter abrumpitur, ob lacerationem aut tensionem vasorum umbilicalium, ista crispantur, & non necessario sanguinem fundunt, inprimis longiori frustulo relicto, aut partu in loco frigido edito. Notatu dignus casus ante plures annos hic obtigit, ubi in suburbio mane infans recens natus sepositus, tenuissimis linteis involutus, aëre frigidiori tempore autumnali existente, vivus inveniebatur, cujus funiculus, prope abdomen abruptus

ruptus erat, ut intra illud retractus, a chirurgo ad ligaturam injiciendam, extrahi velle debuerit, nulla inde facta hæmorrhagia, ut ut per sat longum tempus projectus ibidem jacuerat. Omnes igitur circumstantiæ a Medico secante probe annotari debent, ad judicium tanto firmitus pronuntiandum.

Thesis VI.

Inter omnia viscera interna, nullum certius de vi-^{3) Inspecie ex pulmone,} ta infantis in partu & post eundem testimonium fert, quam pulmo, organum respirationis primarium. Quandoquidem enim foetus in utero materno, membranis suis involutus, ac succo amnii undiquaque circumfusus aërem externum haurire nequit, neque etiam ob circulum sanguinis specialem, ejusque transitum immediatum per foramen ovale è dextra ad sinistram auriculam, ac per ductum arteriosum ex arteria pulmonali ad aortam, respiratione opus habet, eamque de-
mum

num post partum inchoat; inde est, quod infantum in utero mortuorum pulmones substantiæ densioris magisque compactæ, & coloris obscurioris rubicundi, vivorum natorum contra rarioris compagis, & coloris magis rubelli deprehendantur. His signis accedit experimentum consuetum cum pulmone institutum, quo in vas aqua repletum injicitur, ubi pulmo mortuorum in utero, submergi, vivorum editorum vero, ob vesicularum pulmonalium, respiratione inchoata, expansionem, aquæ innatare observatur. Quidam equidem foetum in utero respirare posse, demonstrare allaborarunt, idque vagitu uterino, aut ejulatu infantis in utero observati, probare voluerunt, quæ tamen nullo nituntur fundamento. Quæ enim de vagitu uterino circumferuntur historiæ, fabulis anilibus annumerantur a medicis rationalibus, nullamque merentur fidem. Et quamvis nuper admodum Medicus Helverus, *Cappeler*, talem in propria uxore se expertum, adeoque avtactum, quod optavit *Lentilius*, se profiteatur Medicum in relatione ad *Miscell. Physico-Medic. Mathem. Erfurtens. Anno 1729. Mens. August. Class. IV. Artic. V.* reperiunda, hæc tamen talis non est, ut omnem animo eximat

mat icrupulum, eundem sonum a flatibus potius, quam a foetu excitari posse, & in hoc casu etiam excitatum fuisse, licet idem eundem non tam respirationi, quam aëri & exhalationibus, in thorace tenelli hospitantibus, adscribat. Historias tamen tales, de foetu etiam extra uterum propendente, atque post ejulatum editum, in uterum regresso, in *Miscell. curios. A. MDCLXX: observ. LXII. & in scholio adjecto*, legere licet.

Thesis VII.

Experimentum itaque dictum cum pulmone infantis institutum, certissimum & indubitatum, de respiratione inchoata, ac vita infantis extra uterum, signum præbere videtur, eidem tamen soli, nisi recte instituat, & probe cum aliis circumstantiis conferatur, fidendum minime est, ut potius omni cautione opus sit Medico secanti, ne illud obiter instituat, circumstantias potiores negligat, aut statim de vita & morte infantis decider, Quemadmodum enim extra omnem dubitationis aleam

Experimentum cum pulmone factum quid probet?

C

posi-

positum est, infantem in ipsis viis partus hærentem moriendo, aliquid aëris haurire posse, ita etiam experientia evictum est, eundem imprimis languidum, per aliquot momenta a nativitate, absque respiratione vivere posse, indeque in priori casu absque matris culpa interire, in posteriori vero, antequam respiret, in ipsis partus viis, aut post egressum, suffocari & trucidari posse. Propterea videndum, an pulmo totus, an vero quoad partem tantum, ob unam vel alteram vesiculam in substantia hærentem, aquæ supernaret, & sollicite inquirendum, an putredinis indicia adsint, & quæ aliæ sunt conditiones, accurate attendendæ, quæ legi possunt apud scriptores Medicinæ forensis imprimis in *B. Parentis dissert. de infanticid. imputat. signis.* Legi & annotari præterea meretur casus duplex a *Clariss. Dn. Heistero in dissert. de falsi pulmonis infantum experimento*, propositus, quorum alter exhibet infantem, per novem integras horas, imbecilliter & infirme quidem viventem atque vagientem, cujus pulmo, sectione post mortem instituta, extractus, & aquæ impositus, nihilominus constanter ad fundum delapsus est; alter vero in utero mortuum, ab Ipso, aperto prius capite:

te prægrandi, in viis partus hærente, ope instrumentorum extractum, cujus tamen Pulmo nigricans & flaccidus, sicut in foetibus in utero mortuis esse solet, aquæ injectus, perpetuo innatavit, quamvis manifesta corruptionis indicia, putredo, foetor, livor, atque epidermidis discessus, eundem jam aliquod tempus in utero mortuum extitisse, docuerint.

Thesis VIII.

Operæ pretium erit, hanc rem exemplis a nobis observatis illustrare. Secuimus ante aliquot annos infantem in via regia inventum, ac quoniam per sat longum tempus ibi sub sole jacuerat, semiputridum, aperto abdomine existente vermibus copiosissimis atque crassissimis repleto, cujus tamen Viscera in thorace contenta, a putredine adhuc libera erant, pulmoque aquæ injectus fundum petebat. Præterito anno etiam in curia hujus civitatis inspeximus infantem ex aquis extractum semiputridum, corde atque abdominis plerisque visceribus, cum maxilla inferiori

Casus singulares a Præfide observati.

riori, haud dubie a piscibus devoratis, destitutum
cujus pulmo superstes constanter fundum petit
sed levi saltem flutu immisso, aquæ perpetuo su-
pernatavit, quod JCris, Iudicii Assessores, non
sine eorum admiratione monstravimus. Addu-
cta hæcenus exempla, ab *Heistero* & a nobis ob-
servata, satis superque evincunt, experimentum
cum pulmone institutum, quandoque fallere pos-
se, ac propterea eidem soli fidendum non esse.
Nihilo secius tamen illorum institutum approbare
non possumus, qui rejectis omnibus circumstanti-
is ad evincendam vitam infantis conspirantibus,
ob unum vel alterum casum, sæpius non accura-
te adductum aut obscurum, experimentum hoc
cum pulmone institutum, sublestæ fidei reddere
conantur, atque fallaciæ & incertitudinis illud in-
simulant, quod tamen sæpius a defensoribus, etiam
a medicis adjutis fieri, experientia quotidiana re-
stat. Non nos damnamus curam & diligen-
tiam eorum, in defensione inquisitarum adhibi-
bitam, ubi nihil negligendum, quod ad innocentes
servandos ullo modo facere potest. Sed tamen eo-
rum institutum laudare non possumus, qui fri-
volis exceptionibus iudicium eludere tentant non
tan-

tantum, sed etiam sui voti compotes haud raro sunt. Aliquando ad Facultatem nostram mittebatur casus decidendus, ubi in infante non tantum pulmo distensus atque inflatus, vitæ & respirationis factæ, sed etiam cuneus ex gramine compactus, in faucibus hærens, malitiosæ suffocationis signum certum, a Medico secante observatum fuerat. Hoc tamen nihil probare disputabat causæ Patronus, quoniam infans ob defectum aëris aut inspirationis non sit mortuus, cum tamen denegata exspiratio eundem effectum edat, quod Facultas nostra respondebat. Ita ante aliquod tempus foemina liberata fuit a supplicio, quæ quæstioni admovenda, antequam id fieret, confessa est, se infanti vivo ex utero egresso, os obturasse, ea intentione, ut idem suffocareretur, observasse se etiam addebat, eundem, remota post aliquam moram manu, ad se rediisse, sed hac denuo admota, primum super totum corpus ob spiritum cohibiturum, colore coeruleo superfusum, mox vero pallore, vitæ deficientis signum dedisse. Nos etiam observaveramus in sectione, non tantum pulmonem laxum & albicantem aquæ perpetuo innataisse, sed etiam vasa cordis ac cerebri, ut in suffocatis con-

tingit, extreme sanguine turgida. Nihilo tamen secius, posteaquam alia Facultas Medica responderat, infantem suffocatione non periisse, nisi certo constet, matrem obturando os, nares infantis simul compressisse, quod in inquisitione quaesitum non erat, Facultas Juridica istius loci, rem ita decidere non dubitavit, inquisitam juramento se purgare debere, quod nares non simul compresserit, quod etiam ista facile praestitit, atque sic poenam promeritam aufugit. Quam male, quam bene hoc factum sit, nostrum non est decernere.

Thesis IX.

4) Ex contentis canalibus alimentorum atque vesicae urinae & excrementis inde effusis.

Tandem etiam non negligendum est, in sectione huiusmodi infantis, examen canalibus alimentorum, huiusque contentorum, una cum vesica urinaria. Quandoquidem enim foetus succo amnii circumfuso, ore hausto, praepriis ultimis mensibus nutritur, hinc praeter signa perfectionis ejusdem antea data, videndum, an ventriculus contineat notabilem huius succi quantitatem, ex quo

quo judicare licet, foetum ad partum usque bene nutritum fuisse, cum contra ventriculus vacuus, nutritio succo destitutus, eundem tempore partus jam languidum, morbosumque innuat. Idque etiam confirmant excrementa primæ digestionis, in intestinis crassis reperta, horumque quantitas sufficiens, aut defectus. Ita quoque se res habet cum vesica urinaria, in qua lotium colligitur, cujus non exiguam quantitatem in foetu utero incluso secer- ni, testantur brutorum gravidorum sectiones, in quibus membrana peculiaris, Allantois dicta, col- lectioni urinæ per urachum, funiculum umbilica- lem transeuntem, dicata reperitur. Hæc quam- vis in humano foetu difficillime demonstrari que- at; indeque a plerisque exercitatissimis Anatomicis adhuc in dubium vocetur, ab aliis tamen non tan- tum admittitur, sed etiam aliquando inventa tra- ditur, eamque exempla, urinæ per umbilicum ex- clusæ, confirmare videntur, *Vid. dissert. N. de Gra- vidit. apparent; in ascitem terminata.* Quicquid hujus sit, defectus totalis urinæ in vesica infantis observatus, & cum defectu succi-amnii in ventri- culo, ac excrementorum alvinorum in intestinis conjunctus, defectum nutrimenti ac languorem foetus

foetus in utero indicant. Potest tamen etiam urina æque, ac fæces alvinæ, ob suffocationem infantis agonizantis, a motibus convulsivis uti in strangularis contingit, exprimi, adeoque signa hæc inter se accurate conferenda sunt, ac, circumspicte judicium ferendum.

Thesis X.

Signa hæc non separata sed conjunctim, de vita aut morte foetus ex utero decernunt, nec tamen semper attenduntur.

Ex hætenus dictis manifestum esse credimus, signa ista ex sectione infantum observata, uti seorsim nullum judicium firmum & infallibile, de vita foetus post partum præbent, ita conjunctim sumpta, sat certo demonstrare, idem ne vixerit in lucem editus, an minus? Nihilo tamen secius non raro contingit, ut istis licet accurate observatis, causarum Patroni media inveniant, consiliis Medicorum interdum adjuti, infanticidas a promerito supplicio liberandi, in dubium illa vocando, aut etiam meretrices ipsæ pertinaciter in ipsa tortura omnia negando, judicium eludant. Hoc ut pateat, adducam duo exempla a nobis obser-

observata. Mittebatur ad Facultatem nostram An. MD. CCXXIII. casus decidendus, ubi Medicus secans ex signis perfectionis, in infante reperto observatis, ex partu facili, absque auxilio, foeminæ primiparæ triginta annorum, ex funiculi umbilicalis colore ac firmitate, ac ex innatatione pulmonis super aquas constanti, eundem vixisse pronuntiaverat, atque ex constrictione funiculi circa collum, extravasatione Sanguinis spurnosi intra cavum pectoris non tantum, sed etiam ex strepitu ossium cranii ab attractu levi edito, sugillationibus meningum atque collectione sanguinis sub iisdem, statuerat, infantem hunc partim suffocatione, partim violentia capiti illata periisse. Consuluerat defensor Medicum alium, qui multa ratione sectionis, non a Medico, sed a Chirurgo, præsentem quidem Medico administratæ, desiderabat, vitam & respirationem aliqualem foetus in partus viis non omnino negabat, sed suffocationem strangulationi, a funiculo circa collum ducto, secundinis in utero adhuc cohaerente, factæ adscribebat, eique etiam extravasationem sanguinis sub cranio & in thoracis cavitate tribuebat. Sed respondeba-

D

tur

tur a Facultate nostra: strangulationem infantis constrictione colli per funiculum in partu fieri quidem potuisse, sed extravasationes istas nullatenus huic adjudicari posse, potius injuriam capiti illatam evincere; utrum autem hæc culpa matris, aut aliis de causis facta sit, ex depositione Medici certo concludi non posse, imprimis quia ratione sectionis varii defectus annotati fuerant. Atque sic inquisita a poena ordinaria liberata fuit. Sic ante aliquod tempus dissecimus infantem talem, ex furtiva venere a foemina vidua, septem antehac liberorum in legitimo matrimonio matre facta, conceptum, & clanculum editum, quem illa mortuum natum affirmabat. In sectione autem in corpusculo multas sugillationes, funiculum umbilicalem disruptum, faeces alvinas copiosas in linteo foetum involvente, vasa sanguifera omnia, ut & ipsum cor adeo sanguine vacua, ac si aqua elota fuissent, ne tinctura quidem sanguinis residua, pulmonem autem dilatatum ac distentum, perpetuo aquæ innatentem inveniebamus, adeoque infantem vivum in lucem editum, ac parvam hæmorrhagia per umbilicum non deliga-

deligatum, partim suffocatione interemtum, pronuntiabamus. An vero plura, aut certiora, quæso, dari possunt signa, infantis vitam extra uterum evincentia? cum mortuus nec alvum deponere, nec hæmorrhagiam pati possit. At enim vero inquisita, ipsam torturam perpeffa, inter tormenta, foetum mortuum prodiisse, pertinaciter sustinuit, atque sic vitam servavit.

Thesis XI.

Nullatenus nos personis istis miserabilibus *Conclusio.*
vitam servatam invidemus, potius vicem earundem dolemus, quia illam conscientiae vulnerata aculeis turbatam, tormentis

tis corporis atrocissimis morteque ipsa, deteriore esse novimus, certumque est, easdem si reæ fuerint, vindictam divinam effugere nullo pacto posse. Istorum tamen loco esse nolumus, qui iniquis stratagematibus frivolisque artibus, factis facinorosis colorem quærunt, noxias justitiæ manibus eripiunt ac efficiendo, ut sanguis innocentissimus inulte profundatur, delictorum horum participes se reddunt.

T A N T V M.



NOBILISSIMO DOCTISSIMOQVE
ARTIS SALVTARIS
CANDIDATO

S. P. D.

JOHANN. GOTHOFREDVS
de BERGER.

Pulchre res tuae procedunt. Suscipis Me-
dicinae Studium, aliis jam literis, ele-
gantibusque, cultus. Doctores deligis
probos, ac, me potissimum duce, totum Artis
salutaris spatium emetiris. Exploras cupi-
dissime, quicquid veterum est, novorumque,
inventorum, quibus fundus medicus instru-
atur. Disputando, in eruditorum circulis,
acuis ingenium & acumen ostendis. Sed
omnia

omnium rerum agendarum primordia, a
Cultu Numinis capis. Hoc fundas labores
tuos, moderaris, adjuvas, & rectissime for-
tunas. Doctrinam temperantia, modestia-
que singulari exornas. Sic Te gerendo,
optimo cuique maiorem in modum Te com-
mendas, Ordini maxime nostro, qui Te
Laurea Medica omnino dignum censes.
Hanc cape latus & multis conjunge cum
decoribus, quæ tua Tibi virtus ac sci-
entia spondent. Equidem Amplissimo Pa-
tri, ac Nobilissima Familia, novum, certum-
que ornamentum, gratulor, gavisurus, si
tantum abs Te in posterum diligar, quan-
tum Te amavi semper atque amabo.
Vale.



NOBILISSIMO ATQVE CLARISSIMO

CANDIDATO

S. P. D.

PRAESES.

Praeclaram ingenii Tui indolem, vita
integritati morumque suavitati jun-
ctam, non demum hodie aut nudi-
us cognovi, sed a totidem annis eam
et mihi et aliis probasti, Teque hoc omni-
bus commendasti. Per totum illud tempus,
quo Arti salutari in hac Academia operam
dedisti, omnes intendisti nervos, ut solidam
doctrinarum Medicarum scientiam Tibi
comparares, nihilque praemitteres eorum,
quae ad formandum Medicum necessaria
duceres. Optimos hac in re Doctores atque
Ductores studio assiduo secutus et prosecu-

lus

tus es, exercitiis Botanicis, Anatomicis &
Chimicis, & quæ sunt alia, nunquam non inter-
fuiſti ſedulus ſpectator, in publicis quoque
congreſſibus ſubſellia diſputantium iterato
occupaſti, ſpartamque Tibi commiſſam orna-
ſti. In Examine, quod Candidatis eſt ſolen-
ne, expectationi omnium egregie feciſti ſatis,
eoque effeciſti, ut ſummi in Arte ſalutari ho-
nores ab Ordine noſtro Tibi decernerentur.
Omnibus itaque Tibi hodie applaudentibus,
ego inter gratulantes poſtremus eſſe nolo. Gra-
tulator Tibi de ſpecimine, quod mecum una Ca-
thedram aſcendendo, nunc iſ editum. Gra-
tulator Parenti Conſultiſſimo de tali Filio. Quod
ſuper eſt fauſta quævis Tibi ex animo appre-
cor, & eventura auguror. Vale. Dabam
x Muſeo d. XIX. April. A. S.
MDCCXXV.

